



和16
1604
9



門和 16
號 1604
卷 9

花陽聯吟卷之一

重脩六如居士祠墓落成紀事四首

長沙唐仲冕陶山

綺羅絃管總成塵一種才華閱世新
縱酒地爲澆酒地看花人是種花人
可憐謝客無遺宅何必逋仙有後身
燕麥兔葵芟剔盡絳桃依舊占芳春

第一風流自愛名佯狂獨得聖之清
奏書不逐嚴夫子撾鼓真同禰正平
半偈悟禪空電逝小樓讀畫尚花明
饒他文酒求餘韻三百年來識此生

吾宗禱後數尤奇牢落悲深曠代知
司馬青衫同灑淚

尚書紅杏舊題詞謂宋商邱中丞銜碑土近要離冢拾翠人歸

短簿祠千古英豪齊下馬況傳華胄備官司

荒煙蔓艸賸寒燈仙館重開問寺僧五十分樵采路

三千界埽辟支乘乞花好句留楹帖近得居士真跡一聯刻之祠楹夢

墨遺編付剡藤表墓式廬吾豈敢名流好事寫韓陵

次韻隨到隨編不拘次序 吳縣 潘奕雋 榕皋

緜袍瓦罐話前塵交游零落綈袍冷風雪侵老屋荒阡

喜就新一事廢興真有數此生行止豈由人壺觴不散

幽憂疾花月能娛放浪身試向東風酌杯酒天桃何似

昔時春

折除官祿是才名咫尺滄浪帶水清兩地風流同不朽

百年恩怨最難平人閒何物都元敬海內知音祝允明

濁酒滿罍花滿眼未妨絃索送浮生

地下何須歎數奇憐才曠世有心知放懷早悟如如旨

感遇曾賡悵悵詞余昔有悵悵詞韻詩聽說深亭營廢冢

欣看彩筆賞新祠他時盛事傳吳會燕寢清香憶左司

仙館依然倚佛燈閒將往事問殘僧三生幸接粉榆社

半偈來參大小乘茗啜晴窗領法乳碑珍遺墨拓溪藤

先生手書桃花庵詩古宕秀逸非時人可及從搨碑者購一本歸 何當十笏分餘地長

此齋居養絳陵

山陰 李堯棟 松雲

花陽花庵陌上塵花前曠代感懷新
梁鴻墓已迷吳市下馬陵曾誤昔人
捨宅幸為香火地式廬頻現宰官身
自從宋玉招魂後謂宋牧仲開府唐勒來尋茂苑春

婦孺咸知放達名傾城一笑抵河清
流傳畢竟虞初易頑豔何關月旦平
一第才華終掾史四家書畫說前明

楚筵梁獄青蓮事莫把狂生視此生

唐瓢散失剩零奇唐肆空求吳代知
聞將刻其遺集近婦飲醇

憐末路登樓呵壁讀騷詞停雲咫尺紅欄里
文氏紅欄里亦在桃

鴨煙水三高笠澤祠若把秋孃墳再訪
俗所傳九作詩

須倩杜分司

秋水城隅宰堵燈自畱丙舍付殘僧
鶴歸城郭無千歲

詩落滄浪第幾乘好事詞流澆白石
姜白石墓在西湖西馬塍久已迷失

近聞阮芸臺中丞將訪而脩之吾鄉遺逸有青藤
吾郡徐天池青藤書屋故居尚存今新歸

陳氏一邱今六浮雲盡多少繁華羨五陵

吳縣 范來宗 芝巖

百年如夢亦如塵居士遺墟整復新
名教自應饒樂地

風流端合讓斯人遨遊未卻生前聘
槃飲終畱劫後身

一帶桃花千尺水此中長得駐餘春

文沈當時竝擅名狂歌自許跡雙清
脫離虎口幾猶早

謠詠蛾眉怨未平
紉素藝林爭護惜
衣冠優孟認分明
熙熙裙屐尋春者
憑弔臨風百感生

從古才人歎數奇
惟君婦孺盡能知
臨邛邊客喚斜陽
渡庵裏僊吟白雪詞
寂寂久埋三尺土
荒荒何處一清祠
琴堂重把榛蕪闢
好酌椒漿付典司

隔院長明借佛燈
豔談軼事共山僧
東風寒食春無賴
斗酒雙柑興可乘
新碣未教侵碧蘚
短垣纔見翦枯藤
僊源咫尺先生在
莫漫迷津悵武陵

休寧汪廷坊所辨

夢墨遺蹤已宿塵
荒祠喜見一番新
千秋閭闔繁華地

三策聲名第一人
風笠煙簑多舊社
田衣稻衲是前身

先生詩有風笠煙簑走輿臺邀取羣公入社來又有田衣稻衲擬終身之句
辦香賴有強宗

在膏雨還生艸木春

造物於人最忌名
淄澠辨別未能清
高才三絕原無匹

讒舌千般本不平
鑄鼎銘鐘空悵望
先生詩有鑄鼎銘鐘封爵邑功名讓

與英雄立之句
黃金白璧易分明
文章漫說干星斗
五十頭顱

愧此生

何事狂奴遇合奇
酣歌醉舞少人知
三杯滿飲金華酒

一幅新成鐵柱詞
集中有許旌
芳艸夕陽江令宅
青山

綠水白公祠
姑蘇自昔多幽勝
仙吏風流替左司

把卷長吟對夜燈蕭蕭風味淡於僧況當銀漢三秋候
恰值僊槎八月乘湖海舊游雙鬢雪江山勝蹟一枝藤
風光卻比桃源好不向漁郎問武陵

寶坻李光里 勉庵

豈有名流肯染塵山林城市共爭新四圍芳艸迷僊路
一束生芻弔玉人黃代英奇成後輩當年風雅認前身
詞場酒海神僊地領取桃花隱裏春
俗物休疑享盛名 坤難得氣之清田園薄視同倪瓚
婚嫁多情笑向 八幅丹青餘想像千秋姓氏此分明
詩懷酒興闌珊 特地心花對爾生

名勝從來合數奇三生以後得相知青山長護神僊骨
白雪初成錦繡詞細雨陰陰雷過客飛花片片覆新祠
心香一瓣清芬續巧使才人作有司
梵夾難縑到五燈宵中冰雪冷於僧無心月值初圓夜
有悟禪參最上乘夢隔南華空化蝶樽攜北海更支藤
何當雙管生花筆半擬香山半杜陵

奉賢陳廷慶 古華

等是閻浮聚一塵花枝人影逐番新亭荒夢墨畱詩艸
庵牘天桃泥酒人慧業早裝才子座前生合證畫師身
表章卻藉紉蘭客野隲重回萬樹春

茂苑爭傳藝苑名跡鄰溷濁此心清春深楊柳憐張緒
秋老薜蘿帶屈平狂士失時多放浪風人好色欠分明
莫將遺行供談柄回首當年慨歎生

慟哭唐衢等數奇青山埋骨少人知家傳誦略銜遺恨
客拾詩瓢識舊詞郭外真孃空瘞蹟山前短簿尚畱祠
辦香獨表宗風盛絕勝香山替左司

長夜漫漫照漆燈惟餘香火話山僧浪僊詩意流清梵
坡老禪心托小乘投贈舊披三貉慳予以所藏子畏招
三貉圖贈明府
要新策一枝藤更憑大雅扶輪運橐他年出茂陵

長洲宋思仁汝和

桃花久已墮風塵又見茅庵樹樹新綠漲三篙添曲沼
紅堆幾尺吊陳人多情杜牧猶前夢嗜酒淵明是後身
今日使君蘋藻薦到門處處有陽春

何來太僕忌成名涇渭無人辨濁清光範二書門未入
劉蕡一黜氣難平白衣送酒當時少青眼憐才異代明
從此唐家園有幸吳中誰不重書生

奇士從來遇亦奇君身僂骨倩誰知堂開依舊金尊月
人往還思幼婦詞天上脩文誰作記生前快友竟同祠
吾家曾識中丞句牧仲中丞為
仁家從祖輩芳躅重新賴有司

丙舍依然朗佛燈雲煙供養屬山僧樓臺代有詩情寫

書畫都從酒力乘花雨定饒紅藥界松楸仍護紫芝藤
潔身不受驕王玷下馬同他董相陵

休寧 汪梅鼎 滄雲

三載吹簫沈市塵樓臺過眼幾番新記從碧冢荒寒路
哭倒青衫落魄人桃久作薪誰酌酒龕惟貯佛漫容身
苦吟卻似傷心燕飛向荒庵自呪春

仙館何時特署名重來心地忽雙清後先廉吏緣非淺
今古才人氣盡平別室三楹春委宛辨香一縷薦分明
更看綠煞池中水也是隨車雨裏生

漫拭殘碑怨數奇花開笑靨感新知青山賸說生前夢

黃土難埋死後詞士女幾人忘墓祭歲時無事問家祠
祇今雨暗秋墳夜鬼唱聲中頌有司

餘韻真同不盡燈疎狂也是棄家僧月從竹葉罍中墮
船自桃花橋外乘藩鎮歸來完白壁溪山好處倚紅藤
橫塘一例羞蘋藻合配東坡與少陵

張 溥 午橋

才子何曾化劫塵芳徽長見逐時新空將畫手推詞客
誰識狂生是達人元叔倚門真玩世伯倫荷鋤欲忘身
趨來晞髮高吟地錦繡風光別樣春

滿隲桃花舊擅名卜居當日寄幽清千秋才調成終隱

一笑春風散不平鄉有溫柔憑送老心通禪悅自長明
劇憐慧業文人最任誕觀空了此生

莫以沈淪歎數奇名高曠代足相知已傳開府哀陶誅
謂宋牧又見長沙吊屈詞蒼蘚不教迷古碣丹楹重與
仲尚書

起新祠殷勤豈獨因華胄矜式前賢分所司

風流支派有傳燈香火緣深似守僧僊館栽花人共韻

新祠顏曰僊館又補種桃花數十株畫船載酒客同乘題詩此日亭留墨

乞食當年杖想藤居士自繪地下先生應一笑好將片

石抵韓陵

長洲彭希范詩堂

吳市喧囂萬斛塵昔賢遺址久逾新荒原煙艸長終古

曠代風流第一人祭戰庭前無履跡鶯花隊裏著吟身

不尋劉阮天台路別有僊源洞口春

漫云身廢始成名歲月蕭閒得福清花解憐才情默契

藝堪壽世氣應平論文愧死都元敬知己惟逢祝允明

三百年來誰敵手畫詩書裏識先生

游藝偏能測偶奇此身榮悴定前知商邱曾結紅蘭社

郢客爭傳白雪詞廡下伯鸞虛夜月墓前任昉只荒祠

賢侯風雅追芳躅僊館重開屬典司

緬懷故事歎風燈往跡追尋問寺僧異代才華同諧牒

百年興廢感因乘佳城重埽栽松柏妙墨新鐫付繭藤
表墓特嚴樵牧禁長留懿績耀邱陵

吳縣黃丕烈 蕘圃

茫茫宦海盡風塵當代詞源又振新剝蘚摩碑談往事
看花醉酒續前人讀書猶記生時館埋玉難尋蛻後身
一櫂橫塘煙水際賦詩曾說甲申春

名心未遂要留名畢竟無魚水至清爛醉千場身漸廢
填曾五嶽氣難平構讒一任都元敬規語全憑祝允明
才子風流千古事勿觀莫作里狂生

李蔡封侯李廣奇英雄文士幾人知生同乞食游吳市

歿有招魂獻楚詞一媪尚堪尋舊族數楹誰與奠荒祠
愛才漫說商邱宋舉廢今看良有司

黯淡誰懸漆室燈準提庵裏守殘僧僊居日久名重撰

禪榻風薰興一乘我愛家珍思返壁舊鈔司馬溫公太

畏家舊物余數年前曾見之君求手澤問緘藤墓門把

聞今為明府所得許以相贈酒當花酌莫怪生前笑五陵

長洲瞿應謙 花農

才子祠堂悵掩塵蕭條風雨更誰新荒樓艸合攤書地
孤冢煙迷弔古人酒國幾曾殊昔日畫師何處認前身
重開僊館逢僊吏分得河陽一角春

傳名豈必藉功名如此名傳骨亦清
 豹霧孰能探蘊奧 蛾眉反致累生平
 寧推北面師 徵仲不羨南陽起
 孔明南陽六如必起 吳下由來多曠士
 風懷若个似先生 休言道僻命多奇
 自有僂才自不知 湖海每添騷客淚
 鶯花還唱解元詞 當年文祝稱三友
 今日香燈共一祠 從此滿庭紅雨裏
 雲扉應喚鶴來司 拋卻書燈點佛燈
 老來心地達於僧 人言杜牧真狂士
 我道唐衢是正乘 慧業細參鍼入芥
 塵緣早悟井懸藤 請看三尺桃花土
 畢竟千秋勝五陵

鄞縣舒懷石溪

風流領解入僂塵 衆口依然膾炙新
 曠代祠堂雖廢地 名家詩畫有傳人
 性成孤傲誰知己 意寄佯狂獨善身
 今日淵源何處覓 湘雲吳水一家春
 不惜隨時浪博名 直從忠孝溯源清
先生有忠孝論 才遭虎口 身先辱識破狼心
 氣未平尺土既歸虛 付託一年難得 醉清明
 先生竟與桃花逝 誰使花魂得再生 懷才莫恨數逢奇
 畢竟唐生後世知 先生有後世書上 徵明無屈節
 集成宏道重脩詞 文心未死空畱冢 傲骨猶香合補祠
 幸得一番脩治後 春秋食報有專司 邑侯宗派溯元燈
 花館重尋尚占僧 只為褒賢縣墜緒

豈因習佛惑脩乘先生有學佛辨惑論開開舊徑招僊履改作佳

南昌萬承紀廉山

如雪桃花豔軟塵叢祠脩葺眼初新風流奕世思前哲
淪落當年到此人點出獨醒羣醉意悟他過去未來身
湘南宗派猶風雅追寫唐呂玉蕊春

畢世崎嶇累盛名艱危全得此衷清曾將文字魁多十
慣以丹青寫不平溫嶠智饒行酒詐徽之心藉碎琴明
古來依傍豪門客多少冰山誤此生

飄泊慚予最數奇習公畫法未深知叩門追誦青邱句

高青邱有泛宅重吟賀鑄詞余寓居昇平橋賀方湖上

舊傳天鏡閣橋邊新築白公祠石湖范文穆祠虎邱白

青鞋布韞閒游處一樣謳歌說有司

僊吏僊才證一燈閒偷弄午尚尋僧政聲近世無中考
詩筆江南占上乘舊跡一時搜祕笈新篇到處寫溪藤
我心惆悵桃花水曾訪君鄉過武陵

萊陽趙曾北嵐

歌臺娃館盡灰塵一事爭誇舊蹟新好信流傳原在我
莫言興廢不關人耽吟易結名流契使酒能留異代身
幾樹桃花數拳石東風又展昔年春

別業誰推章氏名狂歌占盡世間清
好花本許呼知己濁酒原來澆不平
哭罷情悲人歷落瓢中詩在志分明
劇憐文祝邀同祀恰似良緣結再生
莫以佯狂歎數奇並時不識後時知
名卿弔古標才子賢宰栽花刊妙詞
半畝荒田三尺冢一聯佳句兩楹祠
頓添士女遊春處亭父無勞更掌司
領解曾明南國燈憑將夢墨更詢僧
讀書獨自得真趣皈佛幾人參上乘
最喜溪邊堪薦藻何勞山外更攀藤
有花有酒平生志地下還應笑五陵

林鳴岡 桐厓

卜居城市迴無塵手種緋桃澤尚新
慧業生天如謝客花源避世學秦人
浮沉早定歸休局文酒聊供未老身
二百餘年棲隱處天教豁壑又回春

才子常蒙輕薄名先生高節獨揚清
結茅遠過章樞密下馬曾來宋廣平
南省招尤殊愴怳西江卻聘最分明
當時惜少憐才客沒齒相依只兩生

畸人自昔遇多奇肝膽惟憑識者知
藝苑流傳徒小技稗官勦襲總淫辭
鄒陽淚下梁王獄杜默悲深項羽祠
磊塊未消遺集在棗梨合付梓人司

重題石闕繫風燈僊館千秋託老僧
花事故應誇滿縣

行險聯吟
禪心誰與證三乘梅顛碑隱摩斑蘇明高士周履靖字梅顛秀水人墓碑
久仆余為竹垞亭荒割蔓藤我亦公餘貪弔古快逢贈出之士中
縞有延陵

階州邢澍仝山

繁華摒擋冶遊塵記過吳趨得句新半隄斜陽遺廢址
一杯荒土葬騷人應官冑負看花眼弔古還憐中酒身
從此絳桃開有主東風管領故園春
為惜榮名轉累名才高空復俟河清見徐昌穀文只緣買櫝
珠長繫匹似彈碁局不平絕世風流多放誕佯狂心跡
自分明如何江表無雙士數卷楞嚴了一生

藝以窮工命太奇玉樓金埒更誰知園扉望斷紅綾餅
委巷歌殘白紵詞脈脈閒情徵伎部忽忽短夢憶僊祠
居然畫手超前輩可是文章替左司
夕唄晨鐘午夜燈前朝亭館半依僧牛羊臥處愁無奈
鶯燕酣時興偶乘巨筆淋漓標墓碣和章稠疊擘溪藤
休嫌縮地吾無術準擬尋春到武陵

長興朱鈞蔬坪

出塵名士辱囂塵文笏初開景一新獨闡宗風歸哲匠
重扶大雅屬才人詩文以外無他好僊佛之間置此身
抵得元都桃萬樹種花盡說使君春

得失何關占一名畫圖自寫最神清癸酉歲於停雲館獲瞻居士遺照

青衫落魄風流盡黃土招魂魄壘平古渡橫塘人寂寞

按府志解元墓在橫塘王家邨杏花邨店路分明舊藏居士杏間來擬

向祇園問願指迷塗悟此生

落拓生涯數已奇孤行只要自家知吳儂慣唱織織曲

才子長吟悵悵詞夢墨更新營傑構栽花依舊界叢祠

九原可作應司調不獨文章替左司

手炷心香禮佛燈行高僧文人慧業留殘劫

詩老新篇得上乘公對琴堂看種竹衙齋有種竹寮我尋花馬

要支藤問津憑說滙源在一路繽紛似武陵

吳縣韓是升旭亭

鬢年鬪艸踏芳塵舅氏陳元常先生舊居去六白首重

尋景象新前輩都知此空曠王村原自有陳人枝山痛

哭銘殘碣正則同庚擬後身生於成化庚寅難得長官收族姓

桃花紅綻舊時春

婦孺皆知才子名橫塘花隲水俱清鐘魚仍付庵僧守

樵采嚴防古冢平賜地種桑憐禮部六世叔祖敬堂宗

孤冢存荒阡無碣表徵明子文衡山先生無墓碣倘邀一例

尋遺址感涕從教似再生

我亦從來歎數奇荆溪邂逅訂心知同摹蘇子生前像

主講陽美時余出東坡曾州唐家去後詞公遷任時余

到處輜軒按野乘又看杞菊薦新祠如公纔是真循吏

考獻徵文盡職司

尊浮綠酒話紅燈小影爭摹帶髮僧公臨六如萬事空

餘畱獨女一衿褓後了三乘創脩何處傳遺札萬歷時

議脩桃花陂札向澆奠從君策短藤杯土重封經浩劫

好栽松檟護邱陵

大興官懋斌眉山

尋來幽州靜無塵青史遺文感倍新放誕自能全亮節
風流曾不玷完人醉邀明月堪為伴悟徹桃花穩寄身

才子江南標第一騷壇未易和陽春

晦跡逃名反得名一庵高臥舉家清酒中歲月閒逾好

筆底煙雲淡不平宿州暗隨荒徑轉夕陽孤映小樓明

石麟埋沒無人問零落紅桃幾樹生

定坐才高數轉奇幽懷難遣後人知梯榮羞唱黃鸝曲

奪錦爭傳白紵詞幾見管絃鳴夜月空餘烏鵲噪清祠

幸逢華胄官茲土樵采毋侵守里司

禪通夢幻耀心燈未脫儒衣已是僧此日執鞭猶所願

當年有驥不知乘重營僊館培花樹首唱新詩寫雪藤

異代風徽遠相紹麒麟今又下巴陵

山陰邵無恙夢餘

百年東海久揚塵重見荒邱片碣新
莎艸欲遮湖上路
桃花曾識墓中人此生慧得須成佛
從古才多易失身
爭重六如老居士獨留芳志照千春
寧詡風流第一名王門心跡喜雙清
上書賓客羞雷被
歸隱湖山托向平
肯逐黨人成季漢
更無薦士惜前明
策濠也有文成識
論世翻令百感生
曾感商邱歎遇奇
遺蹤尚有後人知
地誇柳下先生壟
集補花間幼婦詞
同姓憐才逢異代
三高風世有雙祠
使君揚激堪敦俗
豈直文章替左司

維摩遠照破癡燈
感觸真同閱世僧
花月死誰憐跌宕
風雲生竟絕依乘
擬浮吳榜澆清醕
願托名山負短藤
寄和新篇倍惆悵
一邱那便老東陵

顏光祖古愚

蒼苔滿徑壁生塵
舊陽重開路又新
載酒獨來懷古客
尋詩半是踏青人
騷壇賸有花前蹟
名士空餘夢裏身
珍重使君能表墓
高懷不獨唱陽春

曠代猶傳落拓名
才華想見逼神清
彩雲易逐風流散
綠酒難澆傀儡平
荒蘚半隨流水沒
夕陽曾對小桃明
松龕佛火前因在
一卷楞嚴證此生

釋氏楞嚴經
爲居士手注

賦才何厚命何奇貝錦翻緣國士知
姓字喧傳枕葉渡
詩歌盡補柳枝詞舞裙團扇當年事
淺水平橋此日祠
只恐芳菲容易散心情不減杜分司
虛室熒熒漏一燈遺蹤猶及叩庵僧
棠陰徧詠無窮澤
結習仍超最上乘鉅製重新悲宿艸
名流先後續溪藤
從今或放城西櫂別有僊源勝武陵

元和蔣寅寅

舉帷記洗下車塵醜化旋瞻次第新
敷政餘閒尋故蹟
闡幽前代得畸人圖經攷異分遺蛻
世系探原本一身
遼鶴也應魂戀此讀書堂畔露桃春

每歎才高累重名幾人心迹抱餘清
主家奏曲羞摩詰
獄底騰書辱建平獨有蛾眉任謠詠
自憑犀照見分明
寥空羨煞冥鴻翼月絆虞羅誤一生
早向生前恨數奇卻於身後得心知
請看苴墓當塗令
能續招魂宋玉詞佳傳不刊徵地志
清芬無絕認叢祠
從今盛事傳吳下豈獨文章似左司
棲神教徧佛前燈洒掃常時付老僧
舊宅蘭成畱一畝
前身金粟問三乘賓朋休暇來花陽
詩卷飄零託剡藤
更愛深心存表墓峴山莫悵谷爲陵

嘉興王曇睿仲瞿

百年紅樹已成塵何事方墳又一新吾輩功名空喝雉
君家文字兩傳人憐才守宰悲枯骨六如負讒既久死之日無人為之製
文者太守胡纘宗為書墓碣今明府纘作故云薄命桃花哭替身彷彿長官題
字處荒蛙燐火舊時春

人生不合負時名潦倒張靈乞食清中酒文章狂杜牧
愛才兒女嫁陳平弓傷都穆心猶碎糞苦宸濠禍未明
多有舊交文沈輩猶將奴態怒書生

真把青衫著老奇十官身誥鬼何知清明野火唐衢血
黃土埋文幼女詞闌雨殘風居士塔衣香人影水僊祠
知他土塑泥團後可做人間繾綣司準提庵有六如塑像婦女於桃花開

時辨香致敬蓋以月老事焉

一軍持水一孤燈賣畫生涯冷似僧九級靈光明古殿

六如名字佛初乘中年詩思如花落老去禪心若葛藤
怪道九孃墳太遠不移松柏耐西陵九孃墓在城西西跨塘之間

休寧汪作霖孀仙

佯狂久已歎銷塵軼事拈來尚簇新絲竹管絃三月社
文章金粉六朝人禪參白骨拋前案畫賣青山老此身
庵裏天桃如解語倚風也自說傷春

大笑悠悠榜上名吟聲還雜梵聲清三言投杼身遭放
一徑埋花冢早平紅拂畫成和泪染綠簑披處映波明

五湖豪傑沈薶盡三百年來豔此生

檢點行藏甘數奇肯從雄鎮結心知紅塵失足齋深恨
白雪蒙頭記好詞新曲可憐公主第秋風痛哭霸王祠
棠梨樹上鶻唳血絮酒澆墳若箇司

才人歷劫尚傳燈千樹桃花一箇僧慢卷尚看同輩笑
魂歸應有好風乘驢馱舊夢餘江管客榻殘碑貴剡藤
遮莫攜尊亭畔醉醉呼碧月上荒陵

錢唐仇一晉梅浦

似此才華迴出塵數椽僊館又翻新當年詩酒推吳會
曠代風流屬後人夢墨幾編名士句栽花滿地宰官身

竭來閭闔城邊路認取斜陽一隴春

從古名流亦愛名醉原非濁醒非清狂堪署戶崔岐叔
貧不干人向子平踏徧青山雙屐老亂飛紅雨半窗明
桃花樹裏神僊宅慧業脩來定幾生

入世何須歎數奇曠懷未許俗人知淋漓醉寫張顛墨
落拓狂吟太白詞賸有荒畦鉏蔓艸攜將春色補新祠
碧桃天上如依舊合署脩文第一司

野寺青雷古几燈讀書樓畔逢僧才人應許登僊籍
我輩還來參佛乘珉石細鈎三折筆墨雲簪榻一溪藤
千秋風雅淵源在又見樊川拜杜陵

重永攀 丹厓

庭無剝啄絕囂塵細艸欣沾雨露新江左久膺調鼎望
河陽盡是看花人名流在昔傳芳躅僊吏於今有替身
輝映後先成韻事埽除勝境好行春

唐家池館久知名風自淒涼月自清人去鶯花三月暮
天開圖畫半江平詩因夢墨空中降眼為看山分外明
廢圃即今新結構艸痕猶向舊時生

遇合如公數未奇淵源異代接心知一松楸寂寞空銘誌
俎豆馨香續誄詞金石不刊延世澤蘋蘩薄采薦新祠
花開花落何人管也要維摩有職司

去年寒食禁然燈半日偷閒訪寺僧一陽煙霞供習靜
六如花影待參乘眼昏仔細尋碑碣足力躋岫想村藤
不信野塘流水斷人言抔土是荒陵

奉賢 顧鴻志 遜齋

馬鬣榛蕪粉像塵長官脩舉忽鮮新難於牒訴紛如口
澤及江湖懶散人妙畫能追金粟影真書雅稱白檀身
憐才不覺關情甚補石添花滿隲春

最無根蒂是浮名遂使微雲滓太清半世窮愁花笑破
一腔壘塊酒澆平黃緣祇在因人累解脫仍於料事明
悟徹六如旋卜築皈依西竺古先生

讀易循環數有奇才惟敵偶始相知
廚珍舊寄通靈畫
碑重新鐫絕妙詞太白陽冰偏異世
衡山希哲合同祠
金閭自此添佳話又見詩名替左司

一龕分照雁王燈到寺先參有髮僧
法界何妨邀月飲
慈航不待看風乘攜壺與客澆黃土
躡屐從山杖赤藤
掃卻前賢才子調入雲高唱作迦陵

元和韓 崧聽秋

絕代才華隔幾塵采孫無處薦時新
劫餘灰冷空陳迹
曙後星孤少替人弔古彌揮名士泪
敦宗喜見宰官身
徧栽芳樹旌閭墓卻羨桃花再世春

江湖放浪悔求名冰雪襟懷吐屬清
卻幣淮南心自遠

寄書城北氣難平招魂合耐廉泉潔
埋骨終依佛火明

天道好還真不爽張崔營葬賴先生
事見張 夢晉傳

筆墨流傳數不奇藝林名字牧兒知
寒添半臂編遺橐

謂宋 繇津青對羣峰諧豔詞
吾吳沈 桐威學博 著才人福傳奇把酒獨尋芳

艸渡種花遙映海棠祠
葉小鸞 故宅 亦在橫塘更煩一雪程門獄

莫信傳聞玷主司
孝宗 寶錄載程篁墩主 已未禮闈實無私也

慧業靈光照寶燈宗風分度在家僧
粥魚茶板仍初地

畫理詩心契上乘方志人文徵
片碣郵翁伏臘策枯藤

知若獨抱憐才意野有遺賢惜泰陵

海寧 陳傳經 晴岳

青衫到處拂詩塵
茂苑年華幾度新
曾悵碧桃迷礪隲
莫尋芳艸拜詞人
知君雲外三僊影
憐我天涯小病身
賴有唐侯能闢地
祠開猶占往時春

才高休說易逃名
偶墮紅塵跡更清
佳客風流空自賞
驕王意氣竟難平
徒傳畫幘宮中諫
愁見星旗水上明
蓬艇欲歸歸未得
依然縱酒學狂生

唐衢善哭命原奇
淹雅何慙學士知
天上科名銷短夢
江東人物擅清詞
貧居合傍梁鴻廡
靈魄遙依白傅祠
願補好花千萬樹
芙蓉城後有專司

濠南誰指讀書燈
遺像猶聞護老僧
莫畏枝生頻戶掩
好邀夢晉借風乘
按奇豪未埋塵劫
感舊人應臥古藤
喚起六如重說法
幾多心偈印迦陵

錢唐 龔紹京 素山

文章休說比秋塵
又見傳名異代新
負錘生前應有冢
憐才死後豈無人
桃花十里開僊館
明月三分認替身
一片虎邱山下路
爲他惆悵百年春
書癡畫史強爭名
蹤跡應知分外清
吳市吹簫悲伍相
成都賣卜讓君平
當年國事椎心易
曠代人才到眼明
一第英雄真氣短
有人憑弔恨遲生

屈賦幽遐合數奇尚畱殘壘路人知賢妃諫畫同揮泪
名士尋芳各記詞碣石蒼涼懷舊蹟野花紅豔拜新祠
河山無恙垂垂老莫問才人有職司
春盡橫塘閃夜燈至今指點有閒僧求諸遺行知佳士
淡到名心悟上乘恰好建祠鄰白傅從無表墓及青藤
猖狂輸與唐生後故里重經歎谷陵

海寧鍾大源 翦溪

悟徹如如小劫塵香名閱世總長新煙雲筆底無餘子
花月江南第一人醉後青山供泪眼狂來紅粉伴愁身
於今誰嗣頑僂迹寂寞吳閭幾百春

逍遙偶爾占科名謝卻科名致益清幸值篁墩才不忝
漫懷元敬憤應平依然春水橫塘碧何處桃花舊隴明
擬向闔閭城畔去一杯綠水酌先生

小謫文星悵數奇風流雅稱後賢知閣中蛺蝶春風畫
山下蘼蕪暮雨詞影事酣嬉思往日遺蹤憑弔說新祠
當年築室相鄰否不傍分司定左司

好移繪像祀星燈勝對圓庵白髮僧蚤歲冶情輕四壁
殘年心事託三乘重看錦砌飛紅雨轉憶荒塋蔓綠藤
從此東吳賢令尹瓣香佳話竝西陵

廉訪秦公曾建
少游祠於西湖
秀水吳履竹虛

庶人第宅久揚塵，僊館重開尚斬新。獨許清狂傾一世，敢稱同調記三人。霎時醉夢成遺讖，滿隴桃花葬此身。多少踏青人過去，墓門何限可憐春。

縱飲悲歌蚤諱名，先生得氣本來清。書樓僅倩閣黎守，喬木將窺雉堞平。宿艸孤塋傳有誤，乞文冤獄竟誰明。游人弔罷斜陽下，春水池塘汨汨生。

歎世浮沈數絕奇，張靈而外妙心知。豔情故作喁喁語，苦調爭傳悵悵詞。路闢靡蕪通繡陌，人脩燕麥拜叢祠。商邱韻事今誰嗣，合讓清門賢有司。

落月鐘聲午夜燈，淒涼往事問禪僧。風流已失無雙士，

妙諦終參最上乘。曾拓斷碑捫蘚壁，重摹遺像上溪藤。生涯我亦丹青老，飄泊年年向五陵。

新陽魏標霞城

酒旗歌扇記前塵，僊館重看闢地新。歸燕仍依同社客，飛花渾似不羈人。懺除白骨三生案，換取紅羊小劫身。幾樹棠梨作寒食，東風艸艸又深春。

紛紛婦豎枉知名，身世憑誰較濁清。骨縱能銷狂不減，醉惟可哭恨難平。一星曙後孤雲冷，五嶽遊歸老眼明。庭際天桃自開落，春風春雨悟浮生。

才人賦命本艱奇，肯把文章藉後知。十載鉛華驚短夢，

千場絲管賸新詞圖經隱約忠州墓杞菊荒寒甫里祠
不是風流賢令宰種花澆酒倩誰司

埽葉讐書對客燈前因難問再來僧香泥沒徑收花葬
縹帙裝樓帶月乘是處飛牋求片壁幾家按篋贈緘藤
零縑斷墨銷難盡粉蠹還容索羽陵

會稽邵

騷元谷

風倩飛花埽陌塵荒煙又見一杯新三吳邑有神明宰
同姓才憐冥漠人綵筆爭題埋後碣青山重識蛻餘身
垂垂無限溪邊柳長護橫塘二月春

徒負佯狂玩世名王門遁迹獨懷清老謀未易同鼃錯

芳行何嘗異屈平苔徑綠因春雨積桃花紅照酒星明
要從牢落思風節不藉文章重此生

百年莫悵數多奇畱得因緣異代知澆酒自來花隲客
招魂應唱柳枝詞薜蘿啼笑逢山鬼簫管嬉遊近水祠
記我尋芳曾到處關心陳跡問專司

照徹松龕夜夜燈名流遺韻感山僧狂歌當哭畱殘橐
縱飲逃禪得上乘浩劫任教餘宿莽秋墳容易長枯藤
尚書舊事今重見遷變無須歎谷陵

秀水

鄭

綃

喬阪

神僊那得便離塵破楚門邊卜宅新慘綠無緣親達士

天桃有福伴詩人但逢白墮方開口祇恐黃金反累身
指點當年歌舞地二分明月七分春

落拓來藏酒肆名乾坤受氣亦何清長齋未必師蘇晉
呵壁居然學屈平陽路漸長春艸碧墓門幾下夕陽明
春回大地賢侯力異代才人朽骨生

歎君不合數長奇姓氏能邀婦女知恥學王維呈法曲
偶同宋玉有微詞青衫白下添新恨綠水閭門認舊祠
料得清魂銷未盡年年花月爲春司

一瓣心香一盞燈數間茅屋託高僧鶴從丁令歸來化
鯉自琴高去日乘卜宅雖無千尺雪登山不藉萬年藤

遺邱此日東風下占得煙光似武陵

秀水翟璜春溪

異才何至化浮塵祠墓今看點綴新一代丹青四家畫
三吳煙月六朝人雄藩莫挽佯狂客幕府先抽潔白身
當日栽花觴詠地招魂重賦薜蘿春

領解皇都第一名居士歸來心跡喜雙清無端謠詠疑
圭玷至竟恩仇似水平殘月曉風僊掌冷碧桃紅杏佛
龕明酒徒事業才人筆醉墨淋漓氣尚生

身世何須歎數奇遙遙華胄得心知黃金不買長門賦
白雲重編畫壁詞下馬客尋城北路瓣香人謁灤西祠

吳儂共說風流宰有例能詩替左司

想見危樓伴一燈枯毫吮禿淡於僧百年壇坫空餘子
十笏鐘魚契上乘高臥生平懷白屋倦游遲暮策紅藤
雨簑風笠江南客曾向荒臺弔子陵

吳縣陸沅甫原

祠門寂寞繞街塵花隱重開竹石新翰墨雲煙千古夢
管絃歌嘯六朝人醉醒畢竟誰同調儒佛何妨共一身
幾樹緋桃三尺土吳儂爭說武陵春

斜陽廢冢半無名冑信橫塘證據清石爛何人知太守
碑殘幾字識中平獨畱故里傳聞久尚有山僧指點明

一瓣心香詩四首始知才子是狂生

落拓吳門歎數奇茫茫天壤有誰知自憐怕見靡蕪州
相贈何妨芍藥詞夢墨亭荒餘舊蹟種花人至拓新祠
愛才不獨商邱宋提唱風騷頌有司

慧業天生放慧燈蕭然風味在家僧蘭傷芳艸當門植
槎憶秋風海上乘學佛偶然同面壁看山到處便搭藤
梵王宮地羅含宅較勝衣香過五陵

仁和張蘭

紅樹丹山隔幾塵一杯荒土又從新情知識字原非福
且喜憐才大有人香界挽回芸葉句花魂呼出漆園身

比來柳下無樵采芳艸如煙別樣春
誰遣詞場浪得名濁流可許獨澄清芭蕉入夢情何幻
意欲藏車恨未平方叔文章難遇合淮南心跡早分明
策勳威武軍門檄知否青袍仗義生
同一書生數更奇青藤軼事邈無知未參柳絮沾泥偈
曾譜桃根絕豔詞金縷香銷餘寸土坤靈風輭拜新祠
等閒遊戲皆天趣合授羣芳典校司
學圃誰傳不燼燈詩人換骨化詩僧名高湖海無雙士
悟徹旃檀最上乘簾月遲遲篩冷翠篆煙裊裊綰疎藤
一溪紅雨春如許應有漁郎認武陵

華亭盛灝元百堂

不流元規一點塵逢場作戲自翻新誰教慷慨悲歌客
浪作風流誕曼人道衲祇今仍故侶桃花依舊認前身
唐衢再世疑公是攬涕重迴劫後春
第一崢嶸秋橘名蛾眉謠諑負孤清擡頭矮屋畫張象
抱甕瓜田逐邵平與世俳諧渾自可當時歌哭向誰明
幕天席地沈沈醉獨醒知難了此生
劉蕢杜默數皆奇失路才人委巷知狼藉雲山邨店墨
風流竿木乞兒詞誰披宿艸封抔土乍喜芳醪有歲祠
夢墨亭新春且住傷春猶有杜分司

昨夜金閭仿佛燈團蒲佳話共山僧倦源曠代花無主
茂宰班春興獨乘故事重脩三尺土舊游尚問一枝藤
江山故宅空文藻俯首還教拜少陵

秀水王錫純心禪

六如早悟徹根塵風月何常到處新野陽有花仍有主
荒庵同祀及同人招魂久已開陳跡訪澤今還見後身
寒食定饒將酒進棠梨無事怨殘春

那有青樓薄倖名佯狂節概最高清雲英偶嫁羅昭諫
黃祖難羈禰正平稻衲竹冠終處士綠煙紅雨自清明
遙遙三百餘年後佳話傳徧後生

非緣道僻命多奇死許名猶竈婢知黃土重沾臨穴泪
青衫齊唱落花詞疑存煙水橫塘路跡竝山橋太傅祠
千載自來憑弔客何須姓字挂春司
一點秋元欲暗燈傳燈遙續等高僧聲榮斷送無何有
悟速飛登最上乘惻惻春愁迷宿艸離離斜日走長藤
金閭亭畔豐碑立也合人稱下馬陵

錢唐何元錫夢華

紅雨飄零半漬塵重栽頓使墓門新卜居原不離花國
入市曾經溷酒人嵇阮林中堪把臂鄒枚隊裏急抽身
眼前底事銷愁物唯有天桃易得春

不以詞華浪得名皎然心似玉壺清佯狂李白人偏忌
潦倒劉蕢氣未平白璧何堪遭點汙青蠅畢竟欠分明
休嫌溷跡參軍隊佳話流傳快此生
不用當年悵數奇清名原賴後賢知才人作吏來吳下
騷客招魂擅楚詞一夕裁詩傳茂苑幾回邀客祭叢祠
屈平弟子君家友不獨馨香在有司
楞伽堆案一龕燈庵外桃花定裏僧泪盡黃金餘兩袖
心依白業證三乘虎邱誰識天魔舞龍樹重繙祕笈藤
結習難教除綺語玉臺佳詠屬徐陵

長洲秋斗南晚翠

東方過此幾微塵蘭若翻因翰墨新圖畫直追摩詰輩
文章肯讓建安人素耽竹葉無他好只愛桃花寄此身
風雨高樓頻悵望比他杜牧更傷春
淡墨曾書第一名淄澠何處辨君清題成白鳳詞無敵
讒信青蠅恨不平相對僧庵歸淡寂間繙佛藏見光明
心香一瓣從今熟休向糴輸認再生
才子無雙歎數奇半生三絕世人知狂吟夏玉敲金句
戲寫裁雲鏤月詞夜雨伯通連舊宅秋風伍相接叢祠
絲津去後荒蕪久接武吟壇屬有司
六時長捧佛前燈淡卻名心便似僧羅隱無緣登一第

維摩早已悟三乘前因偶見金光艸韻事爭鈔玉版藤
黃土一杯名士重飛鳧若箇問高陵

謂孫桓王墓

袁廷禱壽階

仙居豈合菱囂塵小劫纔過景忽新不是湘南來學者
誰知江左有詩人後先何必分三界僊佛從知萃一身
陽畔斜陽芳艸綠唐家園裏尚餘春

何妨縱酒得狂名此似浮雲薄太清深抱隱憂無可解
藉澆塊壘尚難平劉伶入世身常醉阮籍窮途眼倍明
惆悵風流三百載幾回畫裏識先生

不合時空數最奇故交文祝兩心知一堂共享生芻祀

千首終傳白雪詞樹樹緋桃環舊墓盈盈綠水抱新祠
祇緣傲骨甘清福未肯低頭作判司

不鄰都氏讀書燈捨宅空王伴老僧人說文章不經意
我看畫筆獨超乘深閨幾處藏仇扇古屋於今挂瘦藤
等是儒冠同感激摩挲片石重韓陵

秀水吳

振藥廳

萬古同悲兩窖塵叢祠又見一番新中郎老去無知己
司馬重逢得主人尺幅襟裾泉下影三生花月夢中身
淒涼舊日狂歌地寒食清明自暮春

皇都領袖亦浮名華表歸來鶴唳清塵鎖書樓虛牖冷

徑開僊觀玉階平
騷壇舊雨同
龕奉處士寒星入夜明
曾記桂椒營一奠
墓門邂逅拜先生
豈是詩人數合奇
拚歌縱飲只心知
襟懷畢竟空塵世
姓氏無端入豔詞
宿艸西風三尺土
斜陽紅雨數椽祠
榛蕪滿徑重披翦
麥飯年年有主司
古殿長明徹夜燈
精魂應自伴山僧
飛昇半百符僊語
妙諦三千悟佛乘
入社客來攜綠醕
看花人去策紅藤
百年憑弔還增慨
一似驅車過北陵

金匱 盧清華 從雲

離卻東華十丈塵
湖山管領一番新
偶尋花譜聯宗譜

敢許今人讓古人
經濟餘才扶大雅
雪泥留迹悟前身
緇桃自是多情種
續得東皇三百春

佯狂不是愛狂名
入世偏憎我獨清
知己淚憑紅袖落
驚人叱怒潮平
丹青作活謀
真得酒色逃禪性
倍明千古風流推第一
桃根桃葉訂三生

士不無雙數不奇
何妨所遇少人知
美新敢笑揚雄筆
直諫還傳枚叔詞
此日花間賸抔土
平生酒伴配崇祠
激揚氣節關風教
表式端憑賢有司

僊館輝分佛殿燈
也同短簿付山僧
一亭醉墨餘殘夢
滿隄慈雲覺上乘
壘石栽花輸鶴俸
編書摹帖擘溪藤

吳山文物從增麗廣廈還爭託少陵

吳縣石鈞遠梅

生來空洞本無塵翰墨時時發興新流水一灣藍上宅
春風滿隲武陵人佯狂阮籍推前輩善哭唐衢是後身
文祝而還知己少寄情惟有甕頭春

早擅才華不世名翻來新曲按歌清捨將第宅心原達
諧入溪山意未平跋扈驕藩供戲弄真如法性自光明
至今後死尋遺蹟夢墨亭邊艸又生

婚宦如何數盡奇必逢牙曠始心知遂令茂苑豪吟客
爭和旗亭絕妙詞文藻簡編增盛事歲時俎豆拜新祠

桃花庵裏僊人杜合與春花夜月言

閨室偏能照智燈休將往事問高僧幾曾桃葉憐雙黛
早向蓮花悟上乘橋外酒旗低夕照墓前宰樹冒青藤
曾從真蹟看圖記奪錦猶題冠秣陵

上海徐棠二卯

詩牋畫筆已成塵祠墓荒涼今又新死據要離三尺土
生為阮籍一流人曾經縲紲非其罪縱入汙泥不染身
聞道虎山清嘯後落花如雨正傷春

磊落文章灑脫名閉關謝世獨揚清青衣溷跡疑亡賴
白璧微瑕自不平處處看山吟屐滿年年聽雨佛燈明

英雄自有千秋志落拓何妨畢此生

才華曠古遇偏奇幸遇先生巨眼知一部梨園談往事

三千粉黛唱新詞關情兒女傷寒食薄福書生賸廢祠

今日酒旗歌板地爭傳佳話在官司

鬢絲禪榻映秋燈蹤跡猶如入定僧蝶夢前生紅雨落

鶴歸何處白雲乘數弓野圃栽芳樹三尺豐碑長瘦藤

同調幾人能築舍勝他挂劍學延陵

順德 黎應元 曉亭

埋沒殘碑陌上塵苔痕剔盡乍經新百年小劫留孤冢

一瓣餘香屬後人僧院舊為歌舞地詞壇今見宰官身

先生表墓風堪尚種得河陽滿縣春

干卿甚事好爭名都穆何知濁與清退已急流纔有勇

心無他恨自然平詩腸使酒非關醉老眼看花分外明

靜向蒲團參妙諦六如一偈證前生

休歎當年命數奇平生紅粉託心知五株自愛淵明宅

萬首爭鈔杜牧詞豈有名流無韻事幾逢僊令表崇祠

於今佳話傳吳下好句人傳替左司

一座香龕護佛燈有人懷古問山僧官能風雅真循吏

詩到清新即上乘半壁碧紗籠翰墨一天紅雨落寒藤

客來疑是桃源路三月春風入武陵

勝蹟何曾隨劫塵一回埋沒一回新每從慷慨悲歌地
想見欽寄歷落人賦擅櫻桃偏失路才高鸚鵡卻全身
持杯笑向東風祝莫惜紅霞爛漫春
小樓不改舊時名綠水新添曲沼清一畝亭臺春欲去
五更風雨怨難平行蹤莫遣時人識心跡還期後世明
撥櫂西江歸故里卓然大節魯諸生
底事傷心歎數奇異才異代有人知招魂未賜方干第
澆酒還吟柳七詞獨活艸應生舊冢斷腸花欲放新詞
散仙大女堪同室不是維摩若箇司

寧鄉王人作 嵇嘉

拋卻元燈倚佛燈壯心原未學枯僧丹羞雞犬淮南化
風送鷗鵬北海乘狂飲中山千日酒間攜雁蕩一枝藤
生前作賦無人薦或有遺書訪茂陵

寧鄉 黃運隆 景園

狼籍名花陌上塵茅庵艸色幾番新吳門儘有吹簫客
荒陽誰憐賣畫人酌酒尚留金粉地焚香堪證去來身
天桃分得河陽種縮住江南二月春
江左爭傳第一名此才只合直西清相如那得逢楊意
靳尚偏能妒屈平跨鶴自應歸故里騎驢翻悔入春明
江湖笑傲無拘束知己還期後世生

到底才人數不奇居然曠代得相知半生落魄唐衢淚
萬種淒涼宋玉詞此地招魂銷舊恨幾人寬句過新祠
知君不以科名重下第劉蕡斥北司

熒熒四壁一青燈零落殘碑付寺僧莫擬浮湘腸欲斷
還如訪戴興堪乘百年故宅歸圖畫三尺孤墳翦蔓藤
寒食何人澆麥飯山陰南望惜徐陵

徐文長青藤書屋屢易主矣
長沙張翱息齋

放曠襟懷久化塵殘編賸墨氣猶新流連花月成詞客
潦倒江湖亦散人舊蹟多年迷短碣枯禪何處問前身
一杯宿艸寒煙外分得河陽幾樹春

吳下爭傳才子名有人激濁爲揚清飲醇近婦真無奈
浪跡狂歌豈不平短夢十年嗟荏苒雄藩一謁見分明
隆將祀典同忠肅節概何須判死生

舅氏官荆溪時曾脩盧忠肅公祠

未必文人數定奇偏從曠世結心知騷壇競擬招魂賦
香閨都成醜面詞繞碧到門尋舊徑亂紅如雨護新祠
名高造物何曾忌故遣名流作有司
此日禪關續一燈爲瞻遺像訪山僧奇才依舊成三友
妙諦當年悟上乘客吊春風香滿鵲歸清夜月懸藤
相如身後應輸爾麥飯何人問茂陵

鑑竟海

家君作宰案無塵前輩風流取次新堂上琴彈高士傳
陽中花照謫僊人城西小築猶遺址道北長貧共此身
自有詩魂依丙舍重教管領十分春

道是逃名卻得名何當攬轡志澄清占來南國香無對
吸盡西江浪欲平豈有行賅通敏政直將戡亂啟陽明
竹溪六逸推巢父莫謂煙波誤此生

玩世談諧數亦奇無言唯有露桃知重來客問池邊路
前度人題壁上詞艸色晴連三老墓花時香到四賢祠
淒涼宰木憑誰管祇許東方曼倩司

來倚書樓對一燈曼陀花雨付山僧趨庭喜試銀牋擘
載酒還隨畫舫乘華表秋風歸遠鶴藍田夜月護寒藤
愧無贈墨傳僊夢空誦遺編歎廣陵



